

Bemba - Alepepa Amalumbo - WP Psalms

Amalumbo 68:1 Lekeni Lesa eme no kulenga abalwani bakwe basalangane, no kuleka abamupata bafulumuke.

**Amalumbo 5:9,10 Pantu akanwa kabo takalandu fyacishinka, na mu mitima yabo mwaisulamo ubonaushi. Imikolomino yabo ni nindi ishacenama, indimi shabo shilandafye ifyakusembeleka.
10 Ubapeele umulandu we Lesa, uleke amapange yabo yabawishe. Ubatamfye pantu balikwatisha ulufyengo, kibili bantu abakusangukila.**

Amalumbo 11:6 Pa bantu ababifi akalokeshapo umulilo uwakabisha nganshi ne fyanunka nga maluti, no kubaletela umwela wa lubingu uwakubacusha.

Amalumbo 18:14 Aposele imifwi yakwe no kusalanganya abalwani bakwe, aponya no kubyata kwa nkuba, abafulumuna.

Amalumbo 18:17 Ampokolwele ku balwani bandi abamaka, ku bampata kibili abancila amaka nganshi.

Amalumbo 18:39 Pantu walimpangeshe amaka yakulwilako, walenga na balwani bandi ukukontama pa nkasa shandi.

Amalumbo 18:45 Bena bonse baba abatompoka imitima, besa baletutuma ukufuma mu malinga yabo.

Amalumbo 27:11 Umfunde inshila shobe we Yawe, untungulule mu nshila ishalungama pa mulandu wa balwani bandi.

Amalumbo 35:1-8 We Yawe niwe imina abantu abo abanjimina, ndwishishako abantu abo abalendwisha. 2 Isa ne nkwela pamo ne fyanso, wise untuuleko. 3 Unone ifumo no mufwi kukulasa abalensupila, unenge ukumfwa ishiwi lyobe ilileti, “Nine pusukilo lyobe.” 4 Leka abafwaya ukulofya umweo wandi balengwe nsoni, na bonse abapanga ubonaushi pali ine ubakunkunike no kubafulganya. 5 Babe nge misungu iyileululwa ku mwela, na malaika wakwa Yawe abafulumune. 6 Leka inshila yabo ibe mu mfifi no kutelela, kube na malaika wakwa Yawe kukubasupila. 7 Pa mulandu wakuti bateya ne muntu wakaele ifiteyo apabula umulandu, banyimbila no

bucinga apabula umulandu, 8 leka ubonaushi bubafikile mukupumikisha, ne sumbu bantele libalukile, uleke ebo baponenemo pakuti ebo bonaike.

Amalumbo 52:5 Ee Lesa akakutentemuna umuyayaya, ali nokukukusanga akakwimye akakufumye na mwitenti lyobe, ali nokukushulumuna akakufumye na mu calo ca bamweo. (Selah)

Amalumbo 60:12 Lesa nga aba ku lubali Iwesu ninshi tulecimfyा, kibili akanyantaula na balwani besu.

Amalumbo 66:3 Ebeni Lesa amuti, “Ificitwa fyobe fyacipeshamano! Amaka yobe yakalamba nganshi, pakuti abalwani bobo balekusembeleka.

Amalumbo 68:35 Walicindama we Lesa mu cifulo cobe icamushilo, Lesa wa bena Israeli, eupeela amaka no bulamba ku bantu bakwe. Lesa apaalwe na matotelo!

Amalumbo 70:1 We Lesa, wise bwangu umpokololeko, wendeshe ukwisa ngafwa we Yawe!

Amalumbo 71:13 Uleke abampata balengwe nsoni kibili ubonaule, leka abafwaya ukucita ifibi pali ine basuulwe kibili basebane.

Amalumbo 76:12 Pantu ena alacefyा bakateeka bafilemba, alatiinwa ku shamfumu sha pano isonde.

Amalumbo 118:10 Imishobo yonse yalinshingile, lelo kwishina lyakwa Yawe, ine nalibalofeshe!

Amalumbo 118:12 Yanshingulwikefyе kwati ni nshimu, lelo yalebilima ngo mulilo uleoca insansu no kushima bwangu, kwishina lyakwa Yawe, ine nalibalofeshe!

Amalumbo 149:8,9 no kukaka ishamfumu shabo iminyololo, na bakankala babo mu makusu ya fyela. 9 Ekufikilisha ubupingushi ubwalembwa pali aba bantu. Uku ekucindamikwa kwa bapetamina Lesa bonse. Akulumbanyeni Yawe!